



忠武錄卷第五

詩

唐

讀諸葛武侯傳懷贈崔少府

李白 翰林供奉

漢道昔云季 群雄方戰爭 霸圖各未立 割據資豪英
赤伏起頽運 卧龍得孔明 當其南陽時 隴畝躬自耕
魚水三顧合 風雲四海生 武侯立岷蜀 壯志吞咸京
何人先見許 但有崔州平 余亦草間人 頗懷極物情
晚途值子玉 華髮同衰榮 託意在經濟 結交為弟兄

母令管與鮑千載獨知名

諸葛廟

杜甫左拾遺檢校工部員外郎

久遊巴子國屢入武侯祠竹日斜虛寢溪風滿薄帷
君臣常共濟賢聖亦同時翊戴歸先主并吞更出師
蟲蛇穿畫壁巫覡醉珠絲歛憶吟梁甫躬耕起未遲

夔州歌

武侯祠堂不可忘中有松柏叅天長干戈滿地客愁
破雲日如火炎天涼

古栢行

孔明廟前有老栢柯如青銅根如石霜皮溜雨四十

圍黛色叅天二十尺君臣已與時際會樹木猶為人
愛惜雲來氣接巫峽長月出寒通雪山白憶昨路遶
錦亭東先主武侯同閔宮崔魏枝幹郊原古窈窕丹
青戶牖空落落盤踞雖得地冥冥孤高多烈風扶持
自是神明力正直元因造化工大廈如傾要梁棟萬
牛回首立山重不露文章世已驚未辭剪伐誰能送
苦心豈免容蝼蟻香葉終經宿鸞鳳志士幽人莫怨
嗟古來材大難為用

蜀相

丞相祠堂何處尋錦宮城外栢森森映階碧草自春

色隔葉黃鸝空好音三顧頻繁天下計兩朝開濟老
臣心出師未捷身先死長使英雄淚滿襟

詠懷古迹二首

諸葛大名垂宇宙宗臣遺像肅清高三分割據紆籌
策萬古雲霄一羽毛伯仲之間見伊呂拍揮若定失
蕭曹運移漢祚終難復志決身殲軍務勞

歲暮陰陽催短景天涯霜雪霽寒宵五更鼓角聲悲
壯三峽星河影動搖野哭千家聞戰伐夷譟幾處起
漁樵卧龍躍馬終黃土人事音書漫寂寥

武侯廟

遺廟丹青落空山草木長猶聞辭後主小復卧商陽

八陣圖

功蓋三分國名成八陣圖江流石不轉遺恨失吞吳

先主武侯廟

岑參 嘉州刺史

先主與武侯相逢雲雷際感通君臣分義激魚水契
遺廟空蕭然英靈貫千歲

八陣圖

劉禹錫 太子賓客檢校禮部尚書

軒皇傳上畧蜀相運神機水落龍蛇出沙平鵝鶴飛
波濤無動勢鱗介避餘威會有知兵者臨流指是非

武侯廟古柏

李商隱 驢校員外

蜀相堦前栢龍蛇捧闕宮陰成外江畔老向惠陵東
大樹思馮異甘棠憶召公葉凋湘燕雨枝折海鵬風
玉壘經綸遠金刀曆數終誰將出師表一為報昭融
魚鳥猶疑畏簡書風雲長為護儲胥徒令上將揮神
筆終見降王走傳車管樂有才真不忝關張無命欲
何如他年錦里經祠廟梁甫吟成恨有餘

籌筆驛

題籌筆驛

杜牧 殿中侍御史

三吳列婺女九錫欺孤兒霸主業未半本朝心是誰
永安宮受詔籌筆驛沉思盡地乾坤在濡毫勝負知

艱難同草創得失計毫釐寔經千慮分明渾一期
川流營智慮山聳助扶持慷慨匡時略從容問罪師
褒中秋鼓角渭曲晚旌旗仗義懸無敵鳴攻固得宜
若非天奪去豈復慮能支子夜星纔落鴻毛鼎便移
郵亭世自換白日事長垂何處躬耕者猶題八字詩

南陽道中

許渾 郢州刺史

月斜孤館傍村行野店高低帶古城籬上曉花齋後
落井邊秋葉社前生饑烏索哺隨雛叫乳犉慵歸望
犢鳴荒草連天風動地不知誰學武侯耕

題籌筆驛

薛逢 直隸御史 館歷

天地三分魏蜀吳武侯崛起贊紆謀身依豪傑傾心
術目斷雲山演陣圖赤伏運衰功莫就皇綱力振命
先祖出師表上留遺恨猶自千年激壯夫

遊嘉陵後溪二首

薛能都官員外郎
度使

山屐經過滿徑蹤隔溪遙見夕陽春當時諸葛成何
事只合終身作卧龍

八陣圖成已絕倫出師二表更忠勤可憐五丈星宵
殞後主含酸入魏軍

過五丈原

溫庭筠方山尉

鉄馬雲錐久絕塵柳陰高壓漢營春天晴敎氣屯關

右夜半妖星照渭濱下國卧龍空悞主中原逐鹿不
由人象床寶帳無言語從此譙周是舊臣

題籌筆驛

羅隱黃門給事

拋擲南陽為主憂北征東討盡良籌時來天地雖同
力運去英雄不自由千里山河輕孺子兩朝冠劍恨
譙周惟餘岩下多情水猶解年年傍驛流

南陽

胡曾漢南從事

世亂英雄百戰餘孔明方此樂耕鋤蜀王不自垂三
顧爭得先生出舊廬

灩水

五月驅兵入不毛月明瀘水瘴烟高誓將雄略酬三
顧豈憚征蠻七縱勞

五丈原

蜀相西驅十萬來秋風原下久徘徊長星不為英雄
住半夜流光落九垓

宋

八陣磧

蘇軾 註見前

平沙何茫茫髣髴見石絕縱橫滿江上歲歲沙水齧
孔明死已久誰復辯行列神兵非學到自古不留訣
至人已心悟後世徒妄說自從漢道衰鋒起盡姦傑
英雄不相下禍難久連結驅民市無烟戰野江流血
萬人賭一擲殺盡如沃雪不為久遠計草草常無法
孔明最後起急欲掃群孽崎嶇事節制隱忍久不決
志大遂成遷歲月去如瞥六師紛未整一旦英雄折
惟餘八陣圖千古壯夔峽

諸葛塩井

五行水本塩安擇江與井如何不見入此意誰復省
人心固難足物理偶相逞猶取嫌未多井上無間綆

隆中

諸葛來西國千年愛木衰今朝遊故里蜀客不勝悲
誰言襄陽野生此萬乘師山中有遺貌矯矯龍之姿
龍蟠山水秀龍去淵潭移空餘蜿蜒迹使我寒涕垂

次南陽

陳去非丞相

今日東北雲景象何佳哉我馬且勿驅當有急雨來
春寒欺客子滿意旗下杯百年耳頻熱萬事首不回

卧龍今何之有塚已半摧空餘喬木地薄暮鴉徘徊
懷古視落日愧我非長才却憑破鞍去風林生七哀

八陣圖歌

喻汝礪祠部員外郎

魚復江邊春事起萬點紅旗颺清泚主人元是劉夢
得載酒娛賓水光裏酒闌放脚步沙磧細石作行相
靡迤卧龍起佐赤龍子天地風雲入鞭箠蛇蟠虎翼
飛鳥翔四正四竒公所壘當時二十四萬師開門闔
門隨臂拍幾回嚇殺生仲連徃徃宵遁常騎豕海中
仙人丈二履相與徃來迂玉趾笑云此公大肚皮龍
擎虎擲堆胸胃江頭風波幾劇蕩斷岸奔峰俱披靡

陽侯鏖戰三峽怒抵此細石吹不起晉大司馬宣武
公常山之蛇中首尾幙中矢矢何物客未有一客能
解此千年獨有老竒願見之歛袂三嘆喟頗知此法
自元女細與諸公剖根柢君不見風后英謀儘竒詭
龕定蚩尤等蟬蟻漢大將軍親閱試四夷聞風皆擺
氣馬龍三千相倚角西羌昔昔落牙嘴而公於此出
新意蓋世功名無第二不知何處著雙手建直乃與
天地比河圖洛書亦如此堂堂孔明今未死我門生
人如死人老了不作一件事却被獼猴坐御床孰眎
天王出居記既不能渡穿膝暴秦王庭放聲七日哭

不已又不能斷脰決腹死杜稷滿地淋漓流腦髓羨
他安晉溫太真壯他霸越會稽彘八年嫪戀飽妻子
灑涕東風肉生髀斑斑猶在呆鄉髮離離未落張巡
齒愛惜微軀欲安用有臣如此難準擬雖然愛國心
尚在左角右角頗諳委二廣二矩及二甄春秋所書
晉所紀况迺東廂與洞當復有青龍泊旬始淫淫陳
法有如許智者舍是愚者蔽此圖昔人之芻狗參以
古法行以已偏為前距狄笑之制勝於茲亮其豈爾
朱十萬破百萬第願方略何如耳嗟我去國歲月老
渺渺赤心馳玉泉可憐阿任飭女子而我未制邦家

耻屬者買舟瀘川縣扣船欲泛吳江水赤甲山前春
雪深白帝城下扁舟曠胡為於此久留滯細雨打蓬
愁不睡剽聞逆離犯淮泗陛下自將誅陳豨六師如
龍賊如鼠殺回屋瓦皆蜚墜距黍直射六百步虜尸
蔽江一千里哀哉獼猴太癡絕垂死尚持虞帝七那
知光武定中興要把中原痛爬洗君不見陛下神武
如太宗萬全制陳將平戎倚聞獻馘平江宮坐使四
海開春容六駢還自江之東光復舊京如轉蓬蜀花
千枝萬枝紅輒莫取次隨東風奇願眼腦醉冬烘東
向舞蹈壽迺翁醉醒聊作竹枝曲乞與款乃歌巴童

遊武侯書臺

陸游 華文閣待制

沔陽道中草離離卧龍老矣空遺祠當時典午稱猾
賊氣喪不敢當王師定軍山前寒食路至今人祀丞
相墓松風想像梁父吟尚憶幡然吞三顧出師一表
千載無遠比管樂蓋有餘世上俗人寧辯此高臺當
日讀何書

卧龍菴武侯祠

朱熹 煥章特制 謚文公

空山卧龍處蒼峭神所鑿下有寒潭幽上有明河落
我來愛佳名小築倚幽壑永念千載人丹青豈今昨
英姿儼繪事凜若九原作寒藻薦芳馨飛泉奉明酌

公來識此意願步憐不樂抱膝一長吟神交付冥漠

草廬

王十朋 太子詹事

山藏古寺栢青青地重端因蜀相登沙上不聞江轉
石人間幾見谷為陵龍蛇樹影搖千尺玉雪花枝吐
萬層堪嘆草廬誰復顧淒然香火却依僧

題諸葛武侯畫像

王柏 謚文憲

隆中高卧匪無情鼎峙規模豈素心自是將軍三顧
晚坐看世變轉移深

陳淳 安溪主簿

國勢三分陣磧空却將輕素寫遺容漢中安駕英雄

老世上何人識卧龍

書漢丞相諸葛武侯傳後

趙孟若 諸日孫永嘉贊政

寰海生民等釜魚先生高卧意何如當時不是劉玄
德三顧何因出草廬

魚水相歡分最深肯因生死負初心鞠躬盡力王師
老一片忠忱貫古今

街亭忽遽兵初敗箕谷屠皇戰亦休漢祚已亡天莫
助千年掩卷淚如流

當時三顧起隆中自許康時志畧同萬古君臣一魚

水死生不變見英雄

元

諸葛武侯

貢師泰 江潮參政

劍江流水綠沄沄五丈原頭日又曛
舊業未嘗歸後主大星先已墮前軍
南陽祠廟荒秋草西蜀關山隔暮雲
正統不慚傳萬古莫將成敗論三分

武侯

吳澄 註見前

含嘯沔陽春孫曹不敢臣若無三顧主
何地著斯人

武侯祠像

郝子玉

籌筆造仇事可哀長星飛墮蜀山摧
三分豈是平生志十倍寧論蓋世才
壞壁丹青仍曰羽斷碑文字只

蒼苔夜深老木風聲惡尚想褒斜萬馬來

孔明

陳剛中 禮部郎中

當塗嗥吼健於虎卯金一脉如寒土民間只有大耳
兒真是高光宗社主南陽笑脫青熱衣出試烏林萬
火炬永安受遺輔太子漢賊未除忠膽苦峨眉山高
錦江寒白旄一麾招搖怒報師兩紙流涕書三代而
下無此語中營若不墜長星何心逆雛釁征鼓定知
成事繼蒼姬禮樂光華耀千古

尹仲明

建安天下如潰瓜一榻之外非吾家黃屋飄飄定何

許龍為魚分鼠為虎老瞞詐力敢欺天及願羊鼎方
垂涎紫髯將軍一攘臂控荆引越三千里慷慨山東
大耳兒南飛烏鵲栖無枝草廬一語君臣契目中久
矣無吳魏堂堂大義凜不磨靈關劔閣爭嵯峨昨夜
西南一星落六尺之孤竟誰托渭水旌旗歸故都江
上空存八陣圖抱膝長吟出師表古柏蒼蒼為誰老

感懷

楊基

江西按察使

鄧禹南陽來杖策歸光武孔明卧隆中不即事先主
英雄各有見何必問出處孫曹與更始未可同日語
向非昭烈賢三顧猶未許君子當識時守身如處女

武侯像

鄭元祐

江州行省提舉

魚水君臣百世師風雲魚鳥識旌旗三分天下何經
意恨未中原復本支

梁甫吟

劉因

諡文靖 贊善大夫

功名且就漢庭多畢竟曹瞞累我何汶上千年英氣
在有人梁甫正高歌

國朝

恭穆憲皇帝御製

恩紀詩集

諸葛武侯

漢家神器逼英雄帝胄恢弘起卧龍不是營星中道
隕定教吳魏盡朝宗

含春堂藁

諸葛武侯 有序

孔明值漢室板蕩隱於南陽司馬微謂劉
先主曰識時務者在乎俊傑諸葛孔明真

俊傑也徐庶亦謂先主曰諸葛孔明卧龍也將軍豈願見之乎先主信其言枉駕三顧與論天下事十去七八惟巴蜀用武之地今得之可以鼎足三分後果如其言孔明身為將相竭力盡忠死而後已自漢以來一人豈不信哉

勸君屈已結孫吳畫策常排八陣圖忠力儘能恢漢室老天無意復東都

九日登卧龍岡和黎進士韵

唐憲王 號履素道人

清水東流去渺茫一灣迴遠卧龍岡霜飛平野楓林赤日暎疎籬菊蕊黃智畧未應傳管樂英雄必竟服關張臨風不用論成敗二表忠肝萬古香

遊卧龍岡

唐莊王 號希古

獨上龍岡曙靄收千章翠栢撼清秋豫山雲與嵩山接清水波通漢水流三顧當時成底事千年遺迹使人愁先生滿抱匡時策其奈英雄不自由

登卧龍岡

唐成玉 號古心老人

四百年來見此人漢家九鼎一肩任天威欲奮蠻煙
熄火運方微禍水深雷動錦川龍乍起雲昏白帝日
先沉獨憐父子忠真慶萬古綱常萬古心

拜武侯祠

漢丞相諸葛孔明佐昭烈復漢室開誠心
布公道可以為萬世相天下者之法矣綱
常之道賴以不泯後之君子因是而正誼
明道以扶世立教當百世祀之可也今城
西卧龍岡為侯發迹之地建祠肖貌血食
有年暇日往謁祠下訝其棟宇傾圮心欲

新之既而遂形於夢寐感悟之餘乃命工
重加修葺告成之日敬潔醴牲奠焉因贅

一律時正德丙寅秋吉也

曉來床下拜遺風新宇輝煌禮合崇光嶽有靈頻我
夢山河無語肅神宮桂漿鳴鼓喧瑤席甲馬屯雲駐
碧空願得涪陽私舊澤常教永黍報年豐

謁武侯祠和顧天錫韻

癡懶唐藩三城康穆王

古栢年深翠色屯龍岡迢遞接荆門魏吳未滅星先
隕天地昭臨節尚存二表已深為國計一心誠切報

君恩叢祠俯仰應增感五丈原頭日易昏

武侯祠

秋江叟唐藩文城恭王

炎鼎將移世運窮先生何事老隆中若教新野無徐
庶誰識南陽有卧龍三顧草廬知節操兩封師表見
精忠當時若遇初昇日應使張韓立下風

遊卧龍岡拜孔明祠

恒齋唐藩蕩陰王

卧龍岡下試重遊步入祠堂謁武侯碑上莓苔春雨
足草迷田野暮雲愁鼎成炎漢三分國力挽殘陽四

千秋垂世文章昭日月出師二表見忠猷

春日遊卧龍岡有感

復齋唐藩承休王

連雲芳草柳絲絲一上崇岡嘆黍離野鳥似吞亡國
恨江流不斷後人思三分割據才非短一木難支厦
已隳遺烈猶存增感慨仰高三復少陵詩

謁武侯祠感而有作

謙齋唐藩康穆王

一上龍岡望眼明肩輿款款逐塵行風雲不減當時
態牛馬猶存萬古名八陣縱橫沙磧就三分割據鼎

扛成先生區劃中原日未出茅廬事已平

望五丈原

賓竹道人 秦簡王

斜峪遙連渭水平當年伐魏此屯兵人憐炎漢三分
國天奪竒才半世名八陣風雲今亘古千年忠義死
猶生原頭夜半瞻隣火尚訝星流大將營

題諸葛武侯卧龍岡三顧圖

解縉春坊大學士

百二山河龍彩滅漢家蒿萊滿宮闕中山帝子絕世
賢散盡旌旗計成拙倉皇落日南陽低抱膝窮簷聞

馬嘶陰陰桑樹轉踈影何意忽感王孫知曹瞞欺孤
如賊鬼豈料君臣得魚水三回鞭轡入柴扉主賓顏
色皆英偉開心見誠兩不疑拍掌經綸見尚遲華容
空令一兔走榮水徒慙六出奇堂堂雲長悲莫救區
區陸子能深計相國空懷十倍才孫曹弱子皆為帝
王雙血寒鐵塊整張郃魂啣金僕姑皇天竟失中流
柱江水空流八陣圖雲龍風虎護儲胥白日高懸照
肝膽徒令忠憤貫乾坤每讀令人動悽慘

南陽三顧圖

黎克輝 清江人

烏散巢成漢樹空孫郎竒氣捲江東英雄鼎足三分

勢祇在茅廬一語中

題卧龍圖

李賢

太子太師諡文達

漢家神器風波舟，奸雄環顧涎欲流。斯時誰有臣扶，具南陽嘉遯阿衡，儔帝室之胄。何英偉草廬三顧，驚神鬼，幡然感激，釋耕耘。一旦君臣若魚水，鼎分畢竟不能休。務償初志，復神州。永安遺恨，抱終古出師二表，殫嘉猷。錦水祠堂，宛如故劔閣，荒蕪流馬路。七擒南徼，誓天威八陣，夔城訝神護。營中星隕，渭濱秋五丈原，頭敎氣叔歸，襯猶能走仲達。運移漢祚終難留，英雄千載空惆悵。商周人物能多讓，世間成敗不足

憑卧龍遺址人爭訪

隆中十詠

王鈇

都御史贈太傅

一脉深清起卧龍，獨憐未遂濟時功。古今多少英雄，淚盡在先生此井中。
右六角井

錦宮城外栢森森，幾度曾歌杜甫吟。今日亭前見顏色，風霜不改歲寒心。
右古栢亭

春草離離鎖暮烟，英雄一去幾千年。自從伊尹耕莘後，只有隆中一片田。
右躬耕田

寂寂雲巖草樹深，不求聞達自長吟。先生一去無遺響，尚有誰知晏子心。
右梁甫吟

慨想先生抱膝時滿懷幽思有誰知于今一片蒼苔
石勝似襄陽墮淚碑 右抱膝石

洞門風雨水深寒天巧潛通石眼寬說與世間剛不
信卧龍猶在此中蟠 右老龍洞

黃水溪流若掌平一泓放出水雲清有人觀物思玄
德曾向小虹橋上行 右小虹橋

一曲溪流幾許深三分事業已消沉水光依舊清如
鏡照見武侯忠義心 右半月溪

萬疊雲深掃不開半星無處着塵埃就中結箇菴
子只許清風明月來 右野雲菴

蜀主虛勞枉願心中原未復大星沉老夫計得少陵
語常使英雄淚滿襟 右諸葛

孔明
余鍾四明人
並驅伊呂見英賢割據山河也是權可恨卧龍岡上
月今宵不肯十分圓

武侯祠

曹璉河南按察使

一帶長岡遶故墟孔明曾此結茅廬韶光久負商伊
志枉顧類勞漢胄車八陣圖成終不朽三分國定欲
何如觀風偶過躬耕罷慨想長吟恨有餘

卧龍岡

陳正倫南陽知府

玄德從茲起卧龍草廬千古記遺蹤君臣一語交授
厚宇宙三分割據雄古木雲霞蒼蘚合斷碑風雨碧
苔封登臨景仰清名舊感激徒傷鼎峙功

高信 河南參議

公自琅邪卧此崗不求聞達祇韜光夷吾比處才偏
富梁甫吟時恨更長一徑苔封三顧轍滿林烟鎖幾
圍塲君臣際遇餘千載遺跡鍾靈在異鄉

五丈原

羅汝敬 工部侍郎

五丈原頭吊武侯野蒿叢棘滿山丘中原無復三分
勢聚石空餘八陣謀不有忠誠干日月安能香火祀

春秋天何弗水炎劉祚空使英靈萬古愁

卧龍祠

陳珂 河南鳳陽縣

扶持漢室傾心力成敗由天豈自由伯業一匡真不
易遺才三代向誰求補天煉石功難悔挽日麾戈志
未酬終古英靈含永恨臨風有淚欲零眸

顧福 河南參政

卧龍岡下野雲屯長慨當年舊棘門國據三分惟死
誓名高二表若生存曹瞞父子真無道漢室君臣自
有恩血食南陽千古祀廟堂香火慘黃昏

祁鳳 府學教授

涓陽門外草瀟瀟丞相祠堂路不遙耕隱岡形迷故
址斷碑文字記前朝風雲尚想當年會祭享猶勤此
郡僚禮樂未興征伐寢英雄千載恨難消

習韶永豐人

襄陽城下江水流卧龍不起江雲愁高歌梁甫橫六
合白頭不見天涯秋夕陽茅屋都如水怪見將軍吐
虹氣片言許國失英雄魚水波濤坐中起炎精煜煜
蜀天高瀟灑萬里吹鴻毛圖陳八陣垂宇宙勛名誰
復論蕭曹鼎湖龍去青山杳星隕轅門蜀山曉畫
空寫漢官儀千載人間出師表

南陽卧龍圖

羅倫翰林脩撰

三分天下羽書馳龍卧南陽未起時海內風塵皆拜
莽眼中魚水是湯伊未除漢賊身先死便絕江流恨
不移曉霧一綃巾幗在青山千古笑曹丕

讀出師表

沈周啓南長洲人

兩篇忠告慷慨辭字字中間有涕洟天下二歸心屬
呂隆中三顧道存伊老臣虛已六未解瞞于輸才十
倍之講論堂堂誠激烈孤忠瘡瘡力驅馳轉征南北
思何遠愴及桓靈語更危開濟莫酬徒有策英雄先
死却無時天荒大野星俄隕水啣空江石不移不朽

文章千載事後人能鑒乃能悲

五丈原

李東陽註見前

五丈原頭動地鼓魏人畏蜀如畏虎揮戈指天天宇
漏將星墮空化為土鍊石心勞竟何補侯歸上天多
舊伍羽為前驅後飛拒忠魂不逐降王車長衛英孫
朝烈祖

諸葛武侯草廬

馮志汝寧知府

卧龍人去遠此地尚名岡身應營星墮心期國祚長
老臣猶有像炎漢已無光所幸遺民在憑君一勸耕
和馮汝南諸葛草廬之作

宋廷佐南陽知府

三顧名雖在陳踪獨此岡執鞭生較晚仰斗思偏長
浩氣乾坤大忠肝日月光至今鄉父老猶自說躬耕

題諸葛祠

胡希顏按察副使

拂拂旌麾日正長驅車持拜卧龍岡敵廬陳迹生荒
蕪越世高風吹野棠忠節已昭蜀社稷才名猶紀漢
文章也知千百年来後尚有餘光射草堂

卧龍岡謁武侯祠兼簡願天錫大參

李翰監察御史

海嶽同雲起卧龍出師二表見孤忠長星忽為營前

八
忠武卷五
五十二
殞大業終隨再造功八陣有圖留漢沔六韜無地斬
奸雄草廬遺址多年後贏得知音作閔宮

題武侯畫像

顧祿蜀府紀善

南陽隴上躬耕翁磊落自是人中龍抱膝長歌古梁
甫眼空四海誰英雄涿郡劉郎漢宗室三謁殷勤訪
籌策君臣契合片言間魚水相歡託交密鄴中未易
窺曹公援兵先結孫江東赤壁磯頭大風轉舟師百
萬烟塵空天意由來助仁德神謀亦豈非功力蛟龍
未必在池中全蜀江山笑談得尋常事業奚足言出
師誓欲清中原高光故物不忍棄赤龍再使飛青天

兩表忠言何歷歷一點精誠貫天日三代名臣訓誥
文又復從公手中出七番擒縱鬼神驚八陣風雲變
化生橫行萬里誰能敵俯視群雄自可平孰意皇天
竟冥漠五丈原頭將星落素服空聞後主迎黃泉不
見英魂作至今遺像傳人間凝然不動如丘山小儒
再拜瞻圖畫一曲長歌涕淚漣

諸葛祠次韻

張維南陽知府

荆山初定更西屯長憶當年入劔門赫赫威聲曾顯
著堂堂遺像儼生存三分猶自摧強敵兩表還將報
國恩漢業未興人去久一天風日自朝昏

拜諸葛武侯祠

彭澤太子太保兵部尚書

丞相祠堂盛楚西
千年香火重雕題
古湫雲暗神蛟宅
老木風生鉄馬嘶
威到七擒無燹緬
圖開八陣走鯨鯢
卧龍岡上高回首
陟覺江東鄴下低

和彭司馬拜諸葛武侯祠

唐臯翰林備撰

誰復扶將漢業西
曹瞞墓石不堪題
草廬永固龍方卧
銅雀纒荒馬尚嘶
巾幗有人空畏虎
郊原無地解封鯢
獨憐憤絕荀文若
祠下經過首合低

次韵拜諸葛武侯祠

王鴻儒戶部尚書

蒼烟喬木蔭西東
中有丹青一畝宮
師出當年威可想
名傳絕徼古誰同
葛羅唐室誇文事
爨翫隋朝競武功
風俗變華知有自
遺容終古配猶龍

毛澄禮部尚書

討賊心如逝水東
還將黜罰慮深宮
漢家天下誰當有
王佐規模自不同
魏號縱尊非大義
益州雖小是全功
要知成敗難先睹
莫把三分咲伏龍

秦金戶部尚書

天下奇才出統軍
陣圖龍虎際風雲
七廻擒縱真能事
一語輸降豈浪云
耻共魏吳成鼎峙
忍聞南北竟

瓜分轅門昨夜瞻星隕回首西山日已曛

李克嗣

太子太保
兵部尚書

炎燼重噓氣槩雄池中雲雨化蛟龍一行上表千行
涕三代遺才異代逢營壘江頭還似舊君臣地下定
相從錦宮城外森森栢猶肅風霜破甍容

汪玄錫

太常少卿

金湯遙逼灞陵東禾黍離離滿故宮銅雀臺中春正
好杜鵑聲裏恨誰同圖開八陣無遺筭業止三分未
竟功地下主臣如有面雄飛還共鼎湖龍

三忠祠

李夢陽

按察副使

憶昔漢諸葛龍起吞三顧志決竟星隕嘔血為軍務
鄂國與信國屹屹兩玉柱殺身不殺國冤憤水東注
往事勒鍾鼎新廟傍官路慘慘冠劔並凜凜生魂聚
翠旗晚明滅徃徃鬼神駐懷嘆各不申翻然向烟霧
我征久奔迫過此感傷屢時來展肅謁繫馬門前樹
香臺野歛上羅幔虫蟻蛀烈士為吞聲清風激頑孺

登五丈原謁武侯廟

何景明

按察副使

風日高原暮松杉古廟陰三分扶漢業萬里出師心
星落營空在雲橫陣已沉千秋一瞻眺梁甫為誰吟

題武侯祠

王尚綱

四川叅政

龍卧南陽數代英將軍何處早聞名
功成詎止三分策師出誰知二表情
筆底天威操復縱帳前生氣死
猶驚燕書故在閒相儼梁甫吟成意未平

登博望山亭次韻

童承叙

翰林編修

臺是亭高當古驛短垣踈牖坐來清
濃烟密竹斜穿逕落日層岡曲抱城
客裏雲霄勞聘望病中嵩洛愧
經行卧龍窸窣丘原在惟有春農帶雨耕

拜武侯草廬有作

葉桂章

翰林侍讀

隆中人去已千秋祠宇依然枕碧流
使節臨風還命駕携朋落日更登樓
秦關數出星先墮漢業三分志

未酬獨取英雄走司馬却憐成敗繫炎劉

謁諸葛武侯祠

蕭鳴鳳

按察副使

氣聚崇岡紫翠深百年懷抱此登臨
山連嵩岳來天地名與人龍並古今
瞿峽風雲時變現中原牛馬幾
銷沉誰將清世調元丰會取三分創業心

秋日遊卧龍岡

楊應奎

南陽知府

卧龍出處等非熊軍務勞神自鞠躬
羽扇綸巾談笑裏謀王圖霸指揮中
鳥啼花落人何在野曠山空誰
為雄勝跡最宜絃管弄不堪岡勢起長風

借楊憲副同年登卧龍岡樓吊古

李重南陽同知

卧龍岡上野雲橫宇宙千秋煥大名遠近桑田迷世
代低昂草樹點山形出師久擬殲吳魏走敵真堪笑
死生此日登臨同吊古不勝回首夕陽情

拜武侯草廬

劉相唐府長史

此地當時隱卧龍蒼蒼老檜尚凌空自言管樂堪前
正信視曹吳亦下風三顧屈身勤帝胄一心許國失
奸雄登臨幾度追遺跡千載令人景慕同

續錄

過南陽謁忠武祠

賈詠柱國少傅

大名字宙垂芳久忠武丹青照冊香輔漢半殂天可
吊吞吳遺恨失堪傷百年禮樂應誰待三代人才信
足當兩地古祠多古栢卧龍元自起南陽

謁諸葛草廬

樊繼祖河南參政

仰止久懷龍卧處秋風長嘆草廬深陣排雲鳥吞吳
魏氣塞河山壯古今誓表光昭青史上忠魂飄渺白
雲岑將星一殞漢祚去休把興亡論亮心

次壁間韻吊古

余承業鄧州知州

曾試春遊賦葛覃楓林玉露又停驂塵襟苦為浮名
迫吟眺偏宜野興酣中嶽色憐周鼎古大河聲咽宋
舟南登樓更極英雄恨漢業金甌已破三

過拜武侯祠

牛鳳 太常寺卿

孰讀雄文識指歸忠臣肝膽照晴暉益州名義一朝
正吳魏兵戈萬載非天下竒才能見幾雲中高鳥只
孤飛論材擬德伊周行成敗無勞作刺譏

望卧龍岡

陳洪謨 河南巡撫都御史

卧龍人去幾千載岡阜巋然眼界中半畝青松巢水
鶴一簾斜日貫晴虹湯文吾遇心期在管樂何人自

比同兩表精誠真不昧可憐天運忌成功

謁武侯祠漫興

簡霄 河南巡撫都御史

草廬已定乾坤計高卧寧為逸豫謀十倍才猷真陋
魏三分事業足安劉龍岡終古勲名在魚水當年意
氣投大運恨移恢復未雲霄杳杳望伊周

謁諸葛祠重有所感故裁俚語以識

劉漳 山東右布政

清風千載謁茅廬綠樹深深聽野鳥渭水有田當易
魏瞿塘列陣欲吞吳英雄兩漢誰高下籌策三分定
有無天意不然人可柰至今遺恨噫真儒

借平村鍾子謁忠武祠

陶欽夔 監察御史

驅車偕良友晨趨卧龍岡
淒風蕩郊色初日揚天光
登堂睹漢儀灑酒懷羨墻
豐碑烟遺表千載磨冰霜

登樓

高樓縹緲接仙岑
秋日登臨思不禁
蜀漢望迷王氣歇
草廬名在將星沉
紫山影落龐公宅
碧秋明徐庶心
勝地移從漫惆
隔村梁甫正哀吟

祭文

聖駕幸承天道經南陽遣祭

維嘉靖十八年歲次己亥三月己巳朔初八日丙子
大明皇帝遣駙馬都尉鄔景和

諭祭于漢武侯諸葛亮曰養高隆中非三顧不起
戮力王室拜二表乃行觀其禡孟德走仲達孔明其人
豪也歟惜乎將星殞地中道而殂漢遂不振皆天也
非人之所能爲也表忠有祠
諭祭有儀靈爽不昧尚其歆之

春秋制祭

維年月朔日河南南陽府知府某欽奉

朝命致祭于漢丞相諸葛武侯之神惟神學術正大
出處光明功蓋三分首委身于帝胃忠宣二表早發
跡于隆中瞻此邦人永懷風節念草廬之久敞復祠
宇之更新茲值仲春秋恪脩祀事仰祈靈貺昭格無窮

知府孫哲祭

維嘉靖庚子某月日南陽府知府孫哲致祭于漢丞
相武侯諸葛公之神曰惟公三代遺才伊呂儔匹心
術事功青天白日往寓南陽躬耕自給養靜隆中長
吟抱膝學幾天民禮樂可述遵晦隨時屢顧乃出恢

復至計數語定盟韜閭八陣二表忠貞兩朝開濟塞
塞匪寧南征北討大業垂成天不祚漢竟殞管星壯
圖短景遺恨難平哲也恭膺

上命領牧來斯辨香展謁龍岡之祠仰瞻遺像繫我
遐思九京莫作嗟誰與歸溪毛澗草薦酒陳詞用昭
明信神其鑒之

津筮仕

唐藩未幾伏觀

國主殿下命錄孔明事一日召謂津曰
南陽武侯故里古今名賢詠贊不少然
皆散見諸書或流傳人口初無統紀因
而泯沒者亦多矣吾將集為一書以為
此邦故實庶慰鄉人景仰之意爾其次

而成之書凡五卷首載武侯著述次二
傳次三次四名賢論評碑表贊賦次五
題詠祭文津無似奚敢云贊助於其間
哉書成謹識歲月于後

嘉靖庚子歲仲春既望臣脩職郎良醫

正沈津謹識



